



56 279

# QVÆSTIO MEDICA,

QVOD LIBETARIIS DISPUTATIONIBVS  
MANE DISCVTIENDA  
IN SCHOLIS MEDICORVM,  
dic Iouis ij. Ianuarij.

M. ANTONIO MORAND,  
DOCTORE MEDICO, PRÆSIDE.

*An Sanguinis conficiendi munere Iecur abdicandum?*

## I.

**L**IBET omnia, quæ vivunt vitam, sortita sint animam, quæ calore nativo carere non potest; suppetias tamen maximi momenti debuit calor ille, ipse cœlestis, à duobus mutuari, alimento & aëre, ad tutelam & salutem. Vbi enim alimentum corpora nutrienda subit, refrigerat; quod homines experiuntur, qui cibo & potione, famem sitimque depellunt. Vnde minimè mirum videri debet, si, qui sicci sunt & ore jejuno, ferveant æstu, sitimque suam explere cupiant: cùm ea sit aëris indoles, ut, si motu vacet, incalescat; si verò agitetur, quemadmodum contingit cibis in ventriculum descendentibus, refrigerat, donec caloris insiti splendor ac nitior illucescat, qui ea, quæ Natura desiderio trahit, recondidit, & parulâ expectatione rapuit, his animosè fruatur & concoquat. Nec te prætereant, quoties aër in intima corporis penetrat, totius corpus, aut gravius, aut levius effici: sicque facultas animæ, penes quam omnibus animalibus inest vitæ gaudere, prima est & maximè communis; cuius est, & gignere, & alimentis uti: nec quicquam imminuitur aut augetur naturaliter, quod non alatur; & alitur nihil, quod non sit vitæ particeps: nec aliàs diminutis, aut æternitatis enititur consors evadere.

**Q**UEMADMODUM alimenti spirituosum principium os, guttur, pulmo: sic humidi & sicci, os, stomachus, venter; ut antiquioris alimentum, umbilicus. Quod si quaeris munus, quibus toti corpori famuletur: esculenta, poculentave rectis fibris per stomachum assumit, mox obliquis retinet, totumque tantisper undique complectitur, usque dum, ingenerat sibi concoctrice facultate, in succum, cremoremque substantiae suae similem, reddat: quod ubi confecit, exhibiturus intestinis, inferius orificium suum laxat, transversisque febris, quod amplexabatur deorsum protrudit; tantaeque molis negotium, quod sedulitate, quantum vis arguta, compensari non potest, expedit exilibus venae portae furculis, qui omnes innumeram ramorum serie in arctissimos ductus digeruntur; ita ut frequens illa vasorum soboles mesenterij membranis contineatur, quae chyli tenuiorem defecatioremque portionem fugat ab intestinis, quam non finit elabi, priusquam eidem contulerit sanguinis rudimentum, praeter vim illam inditam & quasi consignatam, quam habet, vivificum liquorem illum continendi, conservandi, ac distribuendi.

## I I I.

**P**OSTquam in succum cibus reformatur, Iecoris cura succedit, uti confectum succum vertat in sanguinem; quod praestat, non modò calidi beneficio, sed maxime visceris ingenerat virtute complet. Est enim Iecur non solum naturalis spiritus author, venarum principium, amoris & concupiscentiae sedes; verum etiam officina illius succi humorum utilissimi & charissimi, quo partium omnium vivacitas recreatur, & in quam ceterarum facultatum principatus innititur; cui, quemadmodum natura felicitatem dedit, sic eidem industria virtutem comparavit. Situm est in regione dextra ventris, si sedem stabilem, domiciliumque certum habuerit: costis spuriis contegitur, opplétque mole sua cavitatem ad cartilaginem oblongam, quae scutiformis dicitur: & licet peculiarem formam nullam obtineat, praeter eam quae bubulo jecinori similis est, aut quae a conterminis partibus imprimitur: inventi sunt tamen, qui ei nugaciter fibras assignant, penulasque multiplices affigant, focum, mensam, cultrum, aurigam, & unguem. Rectius collineant, apud quos, de communi sententia veterum, Iecur humidum succulentumve constituitur ex eo, quod ventriculus confecit; donec, fecundo velut imbre, totum corpus venarum ope madaet; quidquid novitia turba, ferinae refectiois avida secus effutiat.

## I V.

**Q**UAMVIS hucusque, post tot exactos orbis, confectisque circulos, tranquillitate pacis & otij, Iecur humano generi regia munera largis & liberaliter miserit; hodie velut rerum vis atque potentia deficeret, quae vel in minimis tota est, ut mos est hominum novitate deleta-

ti, erupere Pollinctores, Sandapilarij, Libitinarij, Vespillones & Siticines, qui, quod acerbissimum est & crudele, ausi sunt *vivo Iecori ducere funus*; & solum rem lugubrem! epitaphia scribere posteris, ut forsân sepulchrum ejus legentes, non perdant memoriam munifici Principis, quem gladio plumbeo verbisque jugulant, quotiescumque antiquam sanguinis conficiendi legem per vim & nefas eidem abrogare conantur. At ejulatu isto ferali subitâque pompâ, si tantum abiret exulatum extispiscium, & cultri victimarij mucro, quo tangebatur ac vulnerabatur aliquando caput extorum lati vel tristici ostenti, retunderetur; aut hæc sedes cana nimis vaticinij futurorumque præsagium concideret, toleranter ferendum esset; dum tamen, quo cœpit statim, naturæ jus, quod opinio non genuit, sed innata vis inseruit, constanter perseveret; cujus amor sollicitus & anxius, diligentissimè cavit sanguinem Iecoris imperio subesse, quem numeris omnibus absolveret. Nec abs re in eo viscere tanto sua omnia ponit, & quasi consecrare videtur; cum sinu thesaurum complectatur, quem salutis propriâ metitur: alimentum etenim gratiâ sanguinem animalibus imperitavit, quibus si multum carnis concessit, iis futura sunt angustiores venæ, rubrior sanguis, & venter exilior; ut, quibus parum, iis ampliora vasa sunt, viscera majora, sanguis atrior, & venter auctior; tandemque animalia ea timent & sapiunt, quibus, vel dilutior, vel frigidior sanguis obtrigit.

## V.

**I**ECUR ante cor ipsum extat, quemadmodum rerum omnium causa lux ante solem, & umbilicalis vena sanguinem in ipsum primum effundit; adeo ut, facto ibi vasorum undique concursu, sanguis, quem sinu fovent, fundi, ex quo manat & fluit, colorem exprimat, propterea que donatum est Iecur carne durâ & rubicundâ; dum, quem cor excudit & emittit, tenuior, calidior, flavior, & spumosiôr conspicitur. Manifesto etiam compertum est, animalia, quæ pulmone carent, sinistro tantum gaudere cordis specu, ne iisdem tubulis varius sanguis contineatur. Nec visa est oculis fortibus & eruditis porta vena cor unquam alluere, quod cava, ex quo tamen non egreditur, attingit, uti rem totam Iecori integram reservaret; quod ideo circumstant vesicula fellis, & renes, & ne quid excidat, consociatus lien. Hinc ergo procul, qui tutò volunt eum eximi, exuri, aut per diverberationem liquefcere, nî vita ipsa pœna fiat abeantque simul, qui temeritate, non consilio, pertentant oppugnare, vel etiam antiquare necessarium Iecoris usum, quem libero suffragio & unâ voce universus Medicorum ordo declaravit, providèque conservavit curiosa sæculi superioris, doctrinâ excultissimi, sedulitas; cum prodidit, ad mesenterij centrum, grande quidem corpus inesse glandosum (Prometheus novus advertat) tum ab insigni trunco juguli, quâ posterior sedes radicis venæ jugularis spectat, propaginem albam germinare aquei hu-

moris plenam, quæ non longè ab ortu, unde scinditur, rursùm coit in unam, quæ juxtà sinistrum vertebrarum latus, penetrato septo transverso, deorsùm in medium lumborum propendit; præsertim, cum Iecore læso, labes illicò sanguinem inveniatur; quod planè cernitur hydropè. Nec vita ducitur suaviùs, quàm ex firmâ Iocinoris valetudine, ex cujus partis principis salute plurimà, cæterarum partium pendet incolumitas & robur.

*Non ergo Sanguinis conficiendi munere Iecur abdicandum.*

## DOMINI DOCTORES DISPUTATURI.

*M. Antonius de Sartis.*

*M. Carolus Bavalu Med. Reg.*

*M. Philbertus Morisset.*

*M. Daniel Arbines.*

*M. Ioan. Ant. Bouygaud.*

*M. Iacobus Iouvin.*

*M. Franciscus Lopes.*

*M. Michaël Langlois.*

*M. Hermannus de Launay.*

Proponebat Lutetiæ ANTONIVS DE CAËN,  
Parisiinus, Anno Domini M. DC. LIX.

---

PARISIIS,

Apud FRANCISCVM MUGVET, Typographum  
Regium, viâ Citharæ, ad insigne trium Regum.

*cette thèse est la 1090<sup>e</sup> de la série VII  
insérée des thèses de la faculté.*